

**Members of the Board**

Beth Albiani
Nancy Chaires Espinoza
Carmine S. Forcina
Chet Madison, Sr.
Dr. Crystal Martinez-Alire
Anthony "Tony" Perez
Bobbie Singh-Allen

Christopher R. Hoffman

Superintendent

(916) 686-7700

FAX: (916) 686-7787

EMAIL: suptoffice@egusd.net

Robert L. Trigg Education Center
9510 Elk Grove-Florin Road, Elk Grove, CA 95624

Lub Rau Hli 1, 2020

Nyob Zoo Cov Tswvcuab Hauv Elk Grove Unified Community,

Txhua txhua hnub nyob rau peb lub hli uas dhau los no, txhua zaus uas peb ua pa, peb ntshai ntshis tsam kis tus kabmob uas tsi tau muaj tshuaj los txhaj tiv thaiv no. Yuav kom peb kovyeej thiab tiv thaiv tau kom muaj kev noj qab haus huv nyob hauv peb lub zej zos thiab tej zej zos nyob puag ncig peb, peb yuav tsum tau sis koomtes ua haujlwm uake thiab yuav tsum mloog hais los ntawm cov thawj coj saib rau kev noj qab haus hauv thiab peb yeej ua tibzoo los tiv thaiv kom tsi txhob muaj kev sis kis tus mob no ntxiv.

Txawm li ntawd los, yeej tseem muaj lwm yam kev cuamtshuam rau sawvdaws tej kev uas yuav tsum tau tiv thaiv thiab, peb sawvdaws yeej pom hais tias George Flyod tau tag simneej licas, nws txoj pa raug tshem tawm ntawm nws los ntawm lwm yam mob, nws raug ua phem rau los ntawm lwm tus, qhov no yog ib qhov uas pejxeem sawvdaws yuav tsum tau sis koomtes thiaj yuav muaj kev kovyeej thiab. Qhov uas peb tau pom, thiab cov menuam tau pom tshwm sim nyob rau pem Minneapolis ua rau kuv muaj kev txhawjxeeb heev nrog rau txhua tus xibfwb uas kuv paub. Peb sawvdaws sawv uake los tiv thaiv peb cov tub ntxhais thiab lub zej zos thaum tus kabmob COVID-19 tuaj raug peb, thiab peb yuav tau los sis koomtes ua kom tsi txhob muaj kev ntxub ntxaug rau lwm haivneeg, tej uas peb tau ua pab yam dhau los thiab tej yuav ua tshiab kom muaj kev ncaj ncees rau peb cov menuam.

Tagkis, peb yuav ua kev zoo siab rau cov kawm ntawv tiav xyoo 2020 thiab lawv sawvdaws yeej muaj kev cia siab kev zoo siab. Lawv lub peevxwm uas sawv khov kho lub sijhawm uas muaj tej yam xwmtxheej tsi zoo li no tshwmsim ua tau tus yam ntxwv zoo rau peb sawvdaws thiab lawv txojkev txawj ntse yuav ua lub teeb ci pom kev coj peb tawm ntawm txojkev tsaus ntuj ntawm tej xwmtxheej tsi zoo uas tau tshwmsim thoob ntajteb no thiab tej kev ntxub ntxaug lwm haivneeg thiab kev tsi ncaj ncees uas tseem pheej ciav cais sawvdaws ua ntu zus kom tsi txhob muaj ntxiv lawm. Ua ib cov xibfwb qhia ntawv, peb yeej txhawb peb cov tub ntxhais tej tswvyim uas lawv hais tuaj thiab peb yuav pab kom lawv muaj txojkev thaj yeeb nyab xeeb, thiab kom muaj kev ncaj ncees rau lawv tej lus nug thiab tej teebmeem uas lawv raug, vim peb paub hais tias lawv yuav yog peb lub neej rau yav tom ntej.

Peb yeej ua tau zoo heev lawm kom muaj kev ncaj ncees rau kev kawm ntawv thiab kuv thov caw koj mus saib lub website uas tsim los ntawm peb lub [Office of Educational Equity](#). Kuv thov nqua hu kom koj koomtes nrog rau tej activities hauv koj lub zej zos rau kev tsim, kev khov kom zoo, thiab kev tawm tsam kom tsi txhob muaj kev ntxub ntxaug lwm haivneeg. Ua raws li tej ua twb ua los ntawm peb cov tub ntxhais nyob rau hauv Student Equity Councils. Cov thawj coj tub ntxhais no, tej kev sis koomtes nrog Sacramento Council Equity Group yuav pab thiab txhawb cov tub ntxhais, cov tibneeg ua haujlwm thiab lawv tsevneeg.

Kuv yuav muab tagrho thiab yuav rau siab ntso pab kom muaj kev ncaj ncees rau peb txojkev kawm ntawv. Peb yuav tsi pub kom muaj kev sis ntxub ntxaug, ntxub lwm haivneeg lossis kom muaj kev ciav cais nyob rau hauv Elk Grove Unified. Nrog rau kev pom zoo raws li peb lub xeev, State Superintendent of Public Instruction, kev kawm ntawv dawb tsi yog yuav hloov kev kawm kom muaj kev ncaj ncees hauv hoob xwb, thiab kom tsi txhob muaj kev ntxub ntxaug thiab ntxub lwm haivneeg xwb, tiamsis nws yog lub hauvpaus kom muaj kev vammeej kom sawvdaws nyob sis hlub sis raug zoo.

Ntawm Siab Dawbaug,

Christopher R. Hoffman
Thawj Tsavxwm